



CRONES
NIBICO
PALU DI BOONCHISTRAAT COZ

PORT BETAALD

ARUBA

NOTICIERO OFICIAL DI GOBIERNO INSULAR


AÑA 1 - NO.2

JUNI 1977


ARUBIANA PRINTS N.V.

MIEMBROAN DI PARLATINO DI BRAZIL, GUATEMALA, MEXICO, EL SALVADOR, NICARAGUA, A BISHITA ARUBA

Riba invitacion di e consehero di go-
bierno di Aruba, Sr. Betico Croes a
bishita nos isla miembroan di Parlatino
di Brazil, Guatemala, Mexico, El Salva-
dor y Nicaragua. Durante e fin di siman
cu e personanan aki tabata na Aruba,
gobierno insular a procura pa un bon
programa y alavez tur informacion
encuanto di e causa di e pueblo a worde
splica. Tambe un idea di e resultado di e
referendum a worde duna na e tan alto
gobemantenan. Señor Betico Croes,
consehero general di gobierno insular,
cual gobierno a worde eligi a base di e
programa aki, a duna en detalles un idea
di e deseo di nos pueblo. Tambe ela bisa
cu ta su deseo cu e mensahe aki lo
ser transmiti door di e diferente
representantenan aki pa nan respectivo
gobiernonan. Despues representan-
tenan di Brazil, El Salvador,
Guatemala y Mexico a dirigi palabra,
bisando di tin tur respet pa e lucha y de-
seo di e pueblo di Aruba. Tur a bai den



Representante di Mexico den
"Parlatino", dirigiendo palabra.




Betico Croes, consehero general di gobierno insular di Aruba dirigiendo
palabra na miembroan di "Parlatino", durante nan bishita na Aruba.

historia y a conta e lucha di nan pais,
prome di a obtene independencia.

Tabata un sorpresa di por a mira un
Aruba asina adelanta cu hopi turista y
hotelnan grandi y luhoso.

E parlamentarionan a keda sorprendi di
e trato aki na Aruba y a comprende e
diferencia di nos mentalidad cu otro
paisnan.

Tur tabata di acuerdo cu Aruba tin un
gran futuro y cu e pueblo Arubano mes-
ter ta orguyoso di ta biba riba un isla
asina. E miembroan di "Parlatino" aki
a haya ocasion pa conoce nos isla y hasi
compras. Hopi tabata e palabranan di
admiracion cu miembroan di "Parlati-
no" tabata tin pa un isla chiquito, pero
cu tanto progreso. Cu esaki gobierno di
Aruba cu tin como principal punto di
nan programa, e independencia di Aruba,
a logra hasi e lucha y deseo di nos
pueblo conoci, na mas paisnan manera,
Brazil, Mexico, El Salvador, Guatemala
y Nicaragua.



Miembro di Parlatino di Guate-
mala, expresando palabranan di reco-
nocimento pa Aruba su indepen-
dencia.

18 DI MAART: GRANDEMENTE RECORDA Y CELEBRA

Aña pasa 18 di maart nos himno y bandera a worde inaugura oficialmente dilanti un multitud di miles y miles di persona. Esaki tabata e acto mas emocional cu e pueblo a presencia den su historia. E aña aki e ordenansa di nos himno y bandera a keda aproba den parlamento haciendo asina nos himno y bandera oficial. Awor nos tin un himno y bandera oficial cu ta existi respet y honor di nos pueblo y mundo henter.

CELEBRACION DI PROMER AÑA DI EXISTENCIA DI NOS HIMNO Y BANDERA

Gobierno a nombra y instala un comision cu tabata tin como meta, organisa diferente actividadnan pa celebra e gran fecha aki. Ta deseo di B.C. di Aruba cu algun dia e dia aki lo worde celebra como un dia nacional na nos isla. E comision tabata bao presidencia di Sr. Godfried Eman, mientras cu e otro miembronan ta: Tico Kuiperi, E. Jong, Holmo Henriquez, Rhoda Steenhuisen-Frigoero, Betico Croes (consehero) Julio Maduro (vice presidente) Albert Eman, August Croes, Atan Lee, Maybeline Arends-Croes, Rufo Odor, Mito Croes y Cobi Angela.

Na tur schoolnan di Aruba, bandera di Aruba a worde hisa oficialmente, mientras cu nos himno a ser toca y canta door di alumnonan di school. Ta promer biaha despues di hopi aña cu un celebracion oficial a tuma lugar na nos schoolnan local. Hopi mayoran a asisti na e ceremonia oficial aki. Despues gobierno di Aruba a duna tur estudianten un "treat". Tabata un bista impresionante di a mira e bandera di Aruba hisa na diferente lugarnan oficial di Aruba. Tabata un bon idea di gobierno insular di Aruba pa stimula nos hubentud, pa respet y aprecia nos himno y bandera desde awor.

PARADA DI CELEBRACION, COM- BINA CU UN CEREMONIA OFICIAL DEN WILHELMINA STADION

For di dilanti di oficina principal di gobierno insular na Oranjestad un parada di celebracion cu flambew a sali pa mas o menos 7'or di anochi dia 18 di maart 1977. Miles y miles di persona a tuma parti na e parada aki, cual a worde encabesa pa diputadoonan, consehero di gobierno insular di Aruba y miembronan di eilandsraad.

Un grupo grandi bisti cu uniform, representando e bandera di Aruba a esocita e personanan ariba menciona. Tur



Un bista di celebracion di 18 di Maart 1977 na Colegio San Jose, na Sta. Cruz. Sr. Betico Croes, consehero general di gobierno insular tabata invita do especial.



Un multitud grandi a participa den e marcha di celebracion dia 18 di Maart 1977, organisa pa gobierno insular.

participante na e parada di celebracion tabata carga e bandera di Aruba y flambew. Tabata un bista unico e anochi aki.

CELEBRACION DEN WILHELMINA STADION

Un enorme cantidad di persona cual a representa un mayoria grandi di nos pueblo a yena nos stadion Wilhelmina pa presencia celebracion di prome aña di nos himno y bandera. Tabata un bista hopi colorido, ora e banderanan di Aruba, cualnan a worde carga pa e presentenan, a bay laira.

CEREMONIA OFICIAL

Despues cu e himno di Aruba a worde toca y cu e bandera di Aruba a ser hisa, diferente personanan di nos comunidad a hiba palabra. e.o. Sr. Fifi Eman, diputado Nel Oduber, Sr. Chino Erasmus, Sr. John Hart, Sria. Daisy Correa y finalmente consehero di gobierno di Aruba, Sr. Betico Croes. Pa clausura e gran dia aki, cu pueblo di Aruba ta orguyoso di dje, a sigui un show musical tipico. Pueblo di Aruba por mira atras, celebracion di un gran dia, haci na un manera masha especial.



Otro bista di e multitud grandi, dia 18 di Maart 1977.



Momento cu e himno oficial di Aruba a worde toca y canta dia 18 di Maart 1977, den Wilhelmina Stadion.

PUEBLO DI ARUBA A VOTA PA INDEPENDENCIA. REFERENDUM: EXITO GRANDI



Miembronan di comision di informacion encuanto referendum, entregando na B.C. di Aruba, un resumen di nan trabow, haci, en conexion cu referendum.

Apesar di tur contratiempo cu gobierno insular a encontra den organisamto di e referendum, toch e comision organisador a logra di haci di e referendum un gran exito. Ta riba conseho di tanto Hulanda como Nacionnan Uni cu e referendum aki a worde organisa. Gobernantenan capas, cumpliendo cu e programa di nan partido y alavez cu e peticion di tanto Hulanda como Nacionnan Uni pa organisa un sondeo publico, a organisa e referendum aki. Cuanto problema tanto gobierno como e comision organisador a ricibi for di diferente instancianan aki na Aruba, pero nada por a stroba e trabao di e comision organisador.

COMISION DI INFORMACION

Naturalmente mirando cu ta trata di algo serio esta e futuro destino di nos pueblo, gobierno a instala un comision di informacion, cual tabata consisti di e siguiente personanan: Sr. Carlos Bisip, presidente, Lloyd Fritzy van Putten, Leo Yzagaray, Albert Eman, Dominico Flemming, Godfried Eman, John Hart, Atan Leo y consehero Mr. John v/d Kuyp. E comision tabata tin como tarea, pa percua pa pueblo, organisacionnan, Club y schoolnan por haya suficiente informacion encuanto e referendum. Nan a organisa diferente

debate y forum, na television y den districtonan. Gobierno insular tumando na consideracion seriedad di e referendum, na unda pueblo mester dicidi ariba e futuro estatal di Aruba, a percursa pa pueblo a haya tur clase di informacion cu nan ta desea. Mas aun pa nan ta na altura di tur loke ta sosode despues di e independencia di nos isla. Pa bisa berdad, e comision a haci un bon trabao y pueblo a ricibi tur clase di informacion cu nan tabata desea. Pa no bisa cu ta Aruba completo a haya informacion necesario, si por ser bisa cu e gran mayoria di nos comunidad por a sigui e debate nan via Radio, television y resumennan den corant, mientras cu cada famia a ricibi un "Brochure" en cuanto di e referendum na nan cas. Cu un palabra pueblo tabata debidamente informa pa or tuma un desicion, encuanto di nos duro estructura estatal den e referendum. E comunicacion tabata formidable y por ser bisa cu e comision di informacion apesar di hopi critica, a haci nan un exito completo.

BISHITANTENAN DI EXTERIOR PA E REFERENDUM

Como observador pa e referendum a bin representantenan di paisnan, manera Chile, Venezuela, Puerto Rico y Corsow, mientras cu for di diferente otro pais a bin periodistanan, cu tabata tin e logio pa e forma cu e referendum a ser organisa.




Un bista di bishitantenan di exterior, dia di referendum.

RESULTADO DI REFERENDUM

Di e 37.346 personanan cu tabata tin derecho di a bay urna electoral dia di referendum, nada menos cu un record di 26.144 a vota na favor di un independencia di nos isla, mientras cu solamente 1.055 a vota na favor di un fe-

deracion y 3.617 voto tabata invalido. Esaki ta nifica cu 83% di e votadornan a vota pa un independencia pa Aruba. Gobierno di Aruba, comision di informacion y comision organisador di e referendum por a mira nan trabao cumpli cu exito.

MAYORIA DI CARETERANAN AKI NA ARUBA LO WORDE RECONSTRUI OF DRECHA



Apertura di caretera, Kibaima- Tanki Flip.

Añanan largo nos careteranan tabata den situacion deplorable. Apesar cu Aruba ta un isla turistico, gobiernonan anterior nunca a percursa pa cu Aruba tin careteranan representable. Cuanto accidente a socede pa motibo cu careteranan tabata den mal estado? Automobilitanan tabata critica, cu nan autonon nobo tabata wordo danja o kibra pa motibo di e mal careteranan. E diputadonan actual, cu ta representa un mayoria grandi di nos pueblo si a mira e situacion deplorable di nos careteranan y a cuminsa a penas algun dia despues cu nan a forma gobierno insular, cu plannan pa mehora mas tanto posibel nos careteranan local.

E gobierno actual no a interesa pa mehora cierto careteranan so, pero a mira e necesidad pa drecha o renoba tur careteranan aki na Aruba. Duro ta worde traha pa mas pronto finalisa tur e careteranan cu diariamente ta worde ocupa door di nos automobilistanan.

Coriendo rond ariba Aruba bo por ripara cu e situacion a cambia y cu bo por ta orguyoso di mayoria di nos careteranan. Den e presupuesto di e aña aki tin poni trahamento y drechamento di diferente otro careteranan di Aruba. Nunca antes un gobierno a realisa esaki y ta un lastima cu e gobiernonan anterior a negligia esaki, haciendo cu awor tur cos a bira caro, cu e gobierno actual mester inverti basta placa pa pone nos careteranan den bon condicion. Nos bishitantenan ta desea un Aruba representable y nos gobierno ta cumpli.

Finalisacion di caretera, Matividiri, Sta. Cruz, Siribana, Angochi y terminando na Caba Lodo. Esaki ta e caretera di mas largo cu a worde drecha.



AÑA DI AGRICULTURA PESCA Y CRIA DEN COMPLETO MARCHA



Carnenan "Blackbelly" a yega Aruba.

Pa añanan largo tanto Agricultura, Cria como Pesca a worde negligia por completo aki na Aruba.

Mayoria di nos hendenan a bai traha na Lago o den sector turistico. Esaki ta socede cu cualquier pais den progreso, pero nunca un gobierno mester lubida un di e pilanan principal di cada economia, cu ta, percura pa produci bo propio cuminda y alavez mantene prijs di diferente comestiblenan mas abao posible. E gobiernonan den pasado a lubida esaki por completo cu e consecuencia cu Aruba a bira seco, poco hende ta dedica nan mes na pesca y mayoria di e damnan no a worde manteni mientras cu otronan a desaparece por completo. E gobierno actual, realisando cu Agricultura, Pesca y Cria ta importante pa cualquier pais, a pone nan, como un di e puntunan principal di su programa.

CRITICA

Den diferente reuniunan, miembronan di oposicion den parlamento di Aruba ta critica cu demasiado placa ta worde gasta na Agricultura, Pesca y Cria. Pero e señonan aki ta lubida cu pa cuminsa di nobo cu algo, semper ta existi hopi placa. Cuminsando cu agricultura, pesca y cria aki na Aruba, ta nifica cu esaki ta yuda cu hopi comestible por bira mas barata. Y alavez nos ta produci parcialmente nos propio comestible. Hopi di nos antepasadonan tabata biba solamente di agricultura, pesca y cria.

Tur caminda di mundo agricultura, pesca y cria ta un fuente fiho di entrada y trabao.

Expertonan Internacional a duna di conoce cu agricultura ta posibel na Aruba y door di agricultura, esaki ta haci posible cu cria por tuma lugar cu mas facilidad.

Actualmente nan ta terminando cu cobamento di damnan preparando di e manera ey pa e temporada di awacero. T'asina cu actualmente, practicamente den tur distrito di Aruba tin un dam coba. Esnan interesa por haya tur clase di informacion na departamento di agricultura. Purba y lo bo realisa cu tur cos ta posibel, basta cu tin e amor y voluntad pa esaki.

PESCA

Manera a worde priminti asina gobierno ta cumpli. Apesar cu nos isla ta rondona di un lama blauw y yen di pisca toch nunca antes e gobiernonan di pasado a dedica atencion na e parti vailoso aki, cu por crea trabao pa diferente di nos hendenan. Tambe asina gobierno ta percura pa e prijs di alumina di lama por baha y evitando awa e scarsedad riba e tereno aki. Gobierno insular a priminti di laga hasi un estudio door di expertonan internacional y dia 16 di April a yega Aruba 3 experto Peruano contrata pa gobierno insular di Aruba, pa studia e recursonan cu tin den fondo di lama rond di Aruba. Pa facilita trabao di e expertonan, gobierno insular a huur for di un compania pa di Cumana; Venezuela, un boto bico e equipu y un tripulacion capacita pa tal estudio. E expertonan a haci 10 pa 12 ora di sondeo y estudio. E sondeo di lama a duna resultado satisfactorio y altamente positivo pa desaroyo di pesqueria na Aruba. Tambe a tuma parti den e sondeo algun piscadorman Arubano, kende a haya e oportunidad for di gobierno pa siña e manipulacion y condicion di e equiponan di pisca di arastre. Durante nan exploracion acustico a captura mas o menos 80 especie di pisca di cual 30 ta bon pa consumo humano. Entrenan tin mero, pargo, guanapo, kreeft, cabaron, fototo, masbango etc. Gobierno ta contento cu e estudio aki y ta spera di publica pronto e estudio final y completo. E expertonan Peruano ta personanan capacita den nan ramo di trabao, considerando cu nan a haci estudionan similar pa otro paisnan grandi.

ILUMINACION BANDA DI NOS HOTELNAN A BIN CLA

Mirando e importancia di nos turismo, e gobierno actual a laga instala banda di e promenenan na e hotelnan, iluminacion moderno y permanente. No t'awor cu e hotelnan ta existi o cu tin promenenan (walk way), turistanan ta cansa for di un hotel pa otro, pero esaki ta worde haci ya for di añanan largo caba.

Cuanto biaha durante gobernacion anterior cu un turista a worde asalta, horta y maltrata, pero nunca nos gobernante nan a haci algo positivo pa mehora e situacion aki. Despues cu e gobierno actual a sinta, nan a instala iluminacion temporario pa suavisar e situacion. Awor tur ta cla y e promenenan ta worde ilumina pa lusan permanente y moderno, dunando e parti di nos boulevard aki un otro vista impresionante.

Esaki ta pa siguridad di nos bishitante nan.


AGENTENAN DI SEGURIDAD

E gobierno actual no solamente a mira e necesidad pa instala lusan banda di e hotelnan, pero tambe a emplea diferente persona, cu a keda encarga cu e seguridad di nos turistanan. Esaki ta un paso positivo cu nos gobierno a tuma pa mantene e bon nombre cu Aruba ta posee, como isla liber y sigur. Continuamente tin vigilancia banda di e hotelnan. Esaki gobierno insular a haci pa evita e tantísimo vandalismo cu a tuma lugar antes. Hopi puntunan cu ta importante pa nos turismo cu antes no a wordo cumpli cune, awe cu apenas algun lunanan di gobernacion, e gobierno actual ta trata na realisa nan ariba un tempo sumamente corto.



Iluminacion permanente y moderno banda di e promenenan canto di nos hotelnan luhoso.

TANKI DI AWA NA JABURIBARI DEN SU FASE FINAL



Tanki di awa na Jaburibari den su fase final

Añanan largo habitantenan di Jaburibari, Papaya, Calabas, Paradera y Tanki Leendert, mester a soporta scarce-
dad di awa di kranchi. Den e bario-
nan aki na cierto oranan di dia, ta cu

hopi trabao bo ta haya awa pa cu-
shina, laba panja etc., debi cu e pre-
sion ta hopi abao.

E gobierno actual, tumando na consi-
deracion e situacion a dicidi di laga

traha un tanki di awa ariba e cero na
Jaburibari.

Esaki lo percura pa aumenta e presion
y asina alivia e situacion cu hopi fam-
lia den e barionan aki tin cu pasa a-
den tur dia.

KAZERNENAN PA E CUERPO DI BOMBERO



Sr. Hilario Angela a dal e prome mokkei, pa cuminsamento di construccion di e edificio di kazeme di bombero pa San Nicolas.

Tanto na San Nicolas, como na
Oranjestad, construccionnan di e dos
kazemenan pa e cuerpo di bombero
di Aruba a cuminsa. Cu esaki gobierno
a cumpli cu exigencianan di I.C.A.O.
For di aña 1970 caba e specialista J.
Lopez-Piña di I.C.A.O. a traha un rap-
port a peticion di gobierno, encunto
e cuerpo di bomberos na aeropuerto.
Tambe for di Hulanda a wordo pidi
consonan pa mehoracion di e
cuerpo di bombero y e consonan a
wordo compila den e Rapport de
Boer & van Hanelt di 1972. Gobierno
hulandes a manda dos persona pa un
periodo di 3 aña, esta e Señoresnan
C.E. Heidema y P. Buurman.

Debi cu e trafico aereo a crece con-
siderablemente, tabata necesario pa
a cumpli cu e exigencianan di I.C.A.O.

Tambe pa preveni cualquier incendio cu por presenta aki na Aruba, e expansion di tanto e edificio como di personal tabata necesario.

Miembronan di e gobierno insular actual inmediatamente cu nan a tuma gobernacion over, a mira e necesidad pa realisa e proyecto aki.

Gobierno a emplea mas tanto personalnan capaz na e departamento di bombero y esaki ta nifica cu tur trabao di bombero ta wordo haci pa trahadornan permanente na e cuerpo di bombero. Awor e cuerpo di bombero ta bon equipa tanto di personal como cu den material.

Cu esaki gobierno insular ta prepara nos cuerpo di bombero pa preveni cualquier incidente cu por tuma lugar y ta capaz pa duna prome ayudo ora esaki ta necesario.



Telefon publico a wordo poni oficialmente den servicio na Cer'i Janchi. Miembro di Staten, Sr. Frans Figaroa, a haci e prome yamado, saludando gezaghebber Sr. F.J. Tromp. Tabata presente diputadonan Pedro Kelly y Nel Oduber.

SANTA CRUZ A HAYA SUCURSAL DI EILANDSONTVANGER

Pa facilita e pueblo di Santa Cruz, den pagamento di awa, telefoon, impuesto etc. gobierno insular di Aruba a

habri un sucursal nobo di Eilandsontvanger na Santa Cruz. E pueblo di Santa Cruz a wordo yuda

enormemente cu e oficina aki, debi cu e oficina aki ta situa mas central.



Apertura di Eilandsontvanger nobo na Sta. Cruz. Esaki ta situa den e edificio nobo di Sr. Jendy Croes na Sta. Cruz.

SPORTHALL TA BINIENDO CLA

Den curso di e aña aki e sporthall na Santa Cruz lo bin cla. E sporthall aki lo yuda enormemente pa mehora cierto deportenen cu mester wordo practica bao dak. E sporthall aki lo tin tur facilidad pa nos deportistanan. Den e ultimo añanan interes pa deporte aki na Aruba a cay enormemente y masha poco a wordo haci pa stimula esaki atrobe entre nos pueblo. E gobierno insular actual si ta conciente cu deporte ta forma parti principal di bida di un persona en particular y di nos isla en general. Tur empeño a wordo haci door di gobierno pa Hulanda a financia e proyecto aki. E distrito Santa Cruz a wordo escogi, debi cu e lugar unda e Sporthall a wordo construi, ta e lugar mas centralisa di Aruba.

Na momento cu e edificio aki bini cla, Aruba su deporte tin tur clase di facilidad y oportunidad pa progresa.



Mlembronan di B.C. y consehero general di gobierno insular a haci un bisita di orientacion na e proyecto di "Sporthall" na Sta. Cruz.

DIFERENTE PROJECTONAN CU PRONTO LO WORDO REALISA

Gobierno Insular di Aruba ta trahando duro pa finalisa e plannan pa construcion di e school pa e barrio di Ayo. Ta for di hopi tempo caba cu Ayo y vecindario tin problema cu educacion escolar di nan hubentud.

Esaki ta debi cu e distancia for di Ayo pa e otro barionan na unda si tin schoolnan ta hopi grandi y hopi biaha esaki ta trece complicacion pa e muchanan cu ta bay school.

Cuanto mucha mester lanta hopi tempran pa cana distancianan largo prome cu nan yega na nan school. E muchanan aki, hopi biaha ta yega school cansa y sin gracia pa studia. Cuanto mucha cu ta biba na Ayo y vecindario a wordo perjudica den nan estudio, precisamente pa e motibonan aki? Pero nunca un gobierno den pasado ni siquiera a percura pa mehora e situacion aki. Awor gobierno Insular di Aruba ta trahando duro pa finalisa e proyecto aki.

Ya e tereno na unda e school lo bin situa ta cla y pronto nan ta spera di keda cla pa e destaho publico tuma lugar y finalmente e construc-

cion. Pensando ariba e futuro di e muchanan di Ayo y vecindario e gobierno insular a mira e importancia di e proyecto aki.

POLICLINICA NA PARADERA

Gobierno Insular, mirando e necesidad di un policlinica mas adecuado pa Paradera, pronto lo haci e proyecto aki realidad, despues di tratamiento di e presupuesto. Esaki muy en especial ta necesario mirando cu e poblacion di Paradera ta basta grandi y ta creciedo.

Pronto pueblo di Paradera tin su propio policlinica.

CENTRO DI SALUD PA SAN NICOLAS

Gobierno insular di Aruba ya caba tin tur plan definitivo pa e construcion di e centro di salud pa San Nicolas. Cu esaki tur loke cu tin di haber cu medico lo wordo concentra na un solo lugar. Mirando cu San Nicolas ta un distrito grandi y cu e distancia di San Nicolas pa e hospital nobo ta mucno leuw, esaki lo ta un aivio grandi

pa e pueblo di San Nicolas.

E SEGUNDO EDIFICIO NA ZONA LIBER

Interes pa negosh den zona liber ta creciedo y pronto construcion pa e segundo edificio den zona liber lo cuminsa. Esaki ta un di e projectonan importante cu e gobiernonan anterior no a dedica mucho atencion na dje, pero cu tin un gran balor pa e economia di Aruba.

LUSNAN DI TRAFICO

Diariamente nos automobilistanan ta encontra nan mes cu bastante problema den e trafico di Aruba. Den pasado hopi instancianan a pidi pa bin cu lusnan di trafico pa mehora nos trafico, pero den pasado durante e gobernacionnan anterior menos caso a wordo haci. E gobierno insular actualmente si a mira e necesidad pa mehora e situacion deplorable aki, cual nos automobilistanan ta pasa aden tur dia.

Dia 17 di mei ultimo e trabonan pa instala e lusnan di trafico a wordo inicia y muy pronto tur cos lo bay mucno mas facil den nos trafico, na momento cu e lusnan aki bin cla.

DIPUTADONAN DI TERRITORIO INSULAR DI ARUBA



- Apellido y nomber** : Boekhoudt, Caspar Bernabel,
Fecha y lugar di nacemento : 3 di februari 1938 na Aruba;
Casa cu : Hu-A-Ng, Judy Maria Catalina;
Fecha y lugar di nacemento : 26 di december 1944 na Corsow;
Fecha di matrimonio : 29 di september 1967 na Corsow;
Number di jioenan : Boekhoudt, Byron Gregory,
 Boekhoudt, Guenther Heirich,
 Boekhoudt, Caspar Chaznavid,
Fecha di nombramento como ambtenaar : 1-10-74, nombra como hoofdcommies den servicio permanente na Departamento pa
 Asuntunan Social y Economico;
 1-10-74, poni na disposicion di Volkseredietbank y Bouwcredietbank di Antiyas
 Hulandes;
 1-7-75, nombra como diputado.
- Apellido y nomber** : mr. van der Kuyp, John Henri;
Fecha y lugar di nacemento : 6 augustus 1944 na Aruba;
Casa cu : Hensen, Carmelita M.F.;
Fecha y lugar di nacemento : 6 di september 1943 na Suriname;
Fecha di matrimonio : 7 di maart 1966 na Aruba;
Number di jioenan : van der Kuyp, Nataly M.,
 van der Kuyp, Jean-Paul K.,
 van der Kuyp, Sharda R.G.,
 van der Kuyp, Daniel J.,
Fecha di nombramento como ambtenaar : 1-8-66, den Landsradiodienst (Gobierno Central)
 7-4-76, dispensacion honroso for di Landsdienst y pa e mesun fecha nombra como
 referendaris den servicio permanente cu derecho ariba pensioen, na Be-
 stuurskantoor;
 22-4-77, pone ariba non-activiteit pa eherce e puesto di diputado.
- Apellido y nomber** : Leo, Daniel Ignacio;
Fecha y lugar di nacemento : 11 di juli na Aruba;
Casa cu : Croes, Maria;
Fecha y lugar di nacemento : 15 di augustus 1942 na Aruba;
Fecha di matrimonio : 18 di april 1964 na Aruba;
Number di jioenan : Leo, Francois Pierre, ,
 Leo, John Eduard Anthony,
 Leo, Angeliqne Marie Antoinette,


- Fecha di nombramento como ambtenaar : 3-4-69: commies B den servicio temporal na D.O.W.
 1-7-71: nombra den servicio permanente cu derecho di pensioen;
 1-7-75: poni ariba non-activiteit pa eherce e puesto di diputado.
- Apellido y nomber : Kelly, Pedro Pablo;
 Fecha y lugar di nacemento : 19 di october 1941 na Aruba;
 Casa cu : Dijkhoff, Clothilda;
 Fecha y lugar di nacemento : 28 di september 1939 na Aruba;
 Fecha di matrimonio : 28 di juni 1965 na Aruba;
 Number di jioenan : Kelly, Sheila Clothilda,
 Kelly, André Peter,
- Fecha di nombramento como ambtenaar : 16-5-61, aprendix laborant den servicio temporal na Laboratorio;
 1-3-66, dispensacion honroso como aprendix laborant y entrante e mesun fecha nombra como magazijnmeester na Inspectoria di Salubridad Publico na Aruba;
 1-10-66, nombra den servicio permanente cu derecho di pensioen;
 16-3-67, retiro honroso for di servicio di Gobierno Central;
 16-3-67, nombra den servicio na Territorio Insular como klerk B na Accountantsdienst;
 1-4-69, promovi como boekhoudkundige ambtenaar 1ste klasse;
 1-10-70, promovi pa commies A y temporalmente traslada pa ABO;
 1-4-71, promovi como commies B;
 1-10-71, traslada pa ABO;
 1-11-71, nombra como administrador di Servicio di Telefon;
 22-4-77, pone ariba non-activiteit pa eherce e puesto di diputado.
- Apellido y nombrenan : Oduber, Nelson Orlando;
 Fecha y lugar di nacemento : 7 di februari 1947, Aruba;
 Casa cu : Croes, Glenda G.;
 Fecha y lugar di nacemento : 11 di mei 1947 na Aruba;
 Fecha di matrimonio : 22 di juli 1974 na Aruba;
 Number di jioe : Oduber, Glenson Sander Urban,
 Fecha di nombramento como ambtenaar : 3-9-65; schrijver B den servicio temporal na Bestuurskantoor.
 1-3-67; nombra den servicio permanente cu derecho di pensioen;
 21-11-67, duná un mandato pa estudio pa un periodo di maximalmente tres aña (GA-1)
 1-10-68, promovi pa klerk B;
 1-7-70, promovi pa adjunct-commies;
 1-8-70, mandato pa estudio alargá cu tres aña mas pa curso M.O. Staatsinrichting;
 14-1-73, promovi pa commies. Restableci den actividad General y Juridico.
 1-11-74: Promovi pa commies 1ste klasse;
 1-7-75; poni ariba non-activiteit pa eherce e puesto di diputado.
- Apellido y nomber : ing. Laele, Roland Hyacint;
 Fecha y lugar di nacemento : 17 di october 1939, Aruba;
 Casa cu : Laele, Jeanette Editha;
 Fecha y lugar di nacemento : 16 di september 1943 na Aruba;
 Fecha di matrimonio : 20 di april 1965 na Aruba;
 Number di jioenan : Laele, Maritza Altgracia,
 Laele, Ludwig Roland Hyacint,
 Laele, Egbert Mario Randolf,
 Laele, Ingela J.C.
- Fecha di nombramento como ambtenaar : 1-9-63, maestro teoria A den servicio temporal
 1-12-67, dispensacion honroso como maestro sin competencia completo y nombra entrante e mesun fecha como adjunct technisch ambtenaar na WEB;
 1-6-68, promovi pa technisch ambtenaar;
 1-10-68, nombra den servicio permanente cu derecho di pensioen;
 1-7-72, promovi pa technische ambtenaar 1ste klasse;
 1-7-75, poni ariba non-activiteit pa eherce e puesto di diputado.



Consehero general di Gobierno Insular di Aruba, Sr. Betico Croes.



Secretario di territorio insular di Aruba Sr. John Booi, lesando e ordenansa oficial di nos himno y bandera.



Un bista di e debate entre prensa, sindicato y politiconan na Tele-Aruba, en conexion cu Rejerendum.